


ՀԱՐՑ - ՊԱՏԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ՄԱՍՆԱԳԵՏԻ ԽՈՐՀՈՒՐԴ

ԻՆՉՊԵՍ ՄԱՔՐԵԼ
ՀԱՄԱԿԱՐԳԻՉԸ

Տղայիս հետ փոր-
ջեցինք մաքրել հա-
մակարգիչը, սակայն,
ինչպես ժողովուրդն
է ասում «Ունքը սար-
քելու փոխարեն, աչ-
քը հանեցինք»։ Մեր «մաքրելու» հետո, այն ընդ-
հանրապես չմիացավ։ Ստիպված մասնագետ կան-
չեցինք։ Գուցե դուք օգնեք, թեկուզ փարրական
տեղեկատվություն ներկայացնեք համակարգիչը
մաքրելու հարցով։



Վ.ԳԱՐԻԵԼՅԱՆ

Բոլորիս

Ստեղծաշարը պետք է
շրջել եւ թափ տալ, որպես-
զի ստեղծման արանքնե-
րում կուտակված փոշին
թափվի։ Դրանից հետո կա-
րելի է փոշեկուլով մաքրել։
Ստեղծների արանքներից
կեղտը կարելի է հեռացնել
օճառի կամ սպիրտի լու-
ծույթում թրջած բամբակե
ծողիկով, իսկ ստեղծաշա-
րի բոլոր հասանելի մակե-
րեսները կարելի է շփել
մանրէազերծիչ անձեռո-
ցիկներով։

Մոնիտորը պետք է մաք-
րել միկրոֆիբրայի չոր շո-
րով կամ մոնիտորի համար
նախատեսված հատուկ խո-
նավ անձեռոցիկներով։ Չի
կարելի օգտագործել սպիրտ։
Միշտ պետք է մաքրել ան-
ջատված վիճակում, պետք
չէ ուժեղ սեղմել։

Սկզբից, եթե գնդիկավոր
է, պետք է սրբել սպիրտի
մեջ թրջած բամբակե ծո-
ղիկներով։ Միայն պետք է
տակի հատվածը քանդել եւ
հանել գնդիկը, որը հաճախ
իր վրա է հավաքում մակե-
րեսի ողջ փոշին։ Լազերա-
յին մկնիկը պարզապես
պետք է շփել, եւ այդ նույն
բամբակե ծողիկով կամ ան-
ձեռոցիկով լույսի անցքից

հեռացնել կեղտը։

Համակարգչային բլոկը
մաքրելու համար, նախ
պետք է այն սրբել արտա-
քինից՝ փորձելով փոշին
մաքրել միացման կետե-
րից։ Դա ավելի ճիշտ կլի-
նի անել չոր շորով կամ միկ-
րոֆիբրայով։ Այնուհետեւ,
պետք է պտտել հեղույսնե-
րը (բոլոտ) եւ զգուշորեն հա-
նել կափարիչը։ Միացնել
փոշեկուլը ամենացածր
հզորությամբ եւ ամենա-
փոքր գլխիկով զգուշու-
թյամբ մաքրել համակարգ-
չային բլոկը։ Դժվար հա-
սանելի տեղերում օգտա-
գործել սովորական ներկի
վրձին կամ համակարգչա-
յին խանութից գնված հա-
տուկ վրձին։ Հատուկ ուշ-
ադրություն է պետք դարձ-
նել օդափոխիչին, քանի որ
ամենաշատ փոշին հենց
դրա մեջ է հավաքվում։

Համակարգիչը պետք է
մաքրել երկու ամիսը մեկ
անգամ։ Դա ոչ թե պարզա-
պես հիգիենայի պահպան-
ման համար է պետք, այլ
համակարգչի անխափան
աշխատանքի։

Նոութբուքի մաքրման
համար պետք է դիմել մաս-
նագետի։

ՀԵՏԱՔԵՐԻ Է



«ԱՆՈ, ԼՍՈՒՄ ԵՄ»

Յուրաքանչյուր, արդեն
առօրյա դարձած, արտա-
հայտությունն իր պատմու-
թյունն ունի։ Հեղաքրքիր
է իմանալ, թե ե՞րբ եւ որ-
պե՞ղ է ծագել «ալո» բա-
ռը, որն այսօր առօրեա-

կան ու սովորական է։

Ս.ՍՈՒՐԱԴՅԱՆ

Նիւնոմինդա

1877թ. օգոստոսի 15-ին ամերիկացի գիտնական, ավե-
լի քան հազար գյուտերի հեղինակ Թոմաս Էդիսոնն առա-
ջին անգամ առաջարկեց հեռախոսով դիմելու համար
գործածել «ալո» բառը։ Էդիսոնի գյուտերից են՝ էլեկտ-
րական լամպը, ձայնագրիչը, ջերմաէլեկտրականը, հե-
ռախոսային հաղորդիչը։

Մեծ գյուտարարը դեռ 10 տարեկան էր, երբ արդեն
տնային լաբորատորիայում ինքնուրույն փորձեր էր կա-
տարում։ Հետագայում արդեն նա բեռնատար վագոնում
լաբորատորիա սարքավորեց եւ սկսեց փորձեր անել։
Շուտով Էդիսոնը ստեղծեց Կոնգրեսի քվեների ինքնաշ-
խատ հաշվիչ, որով սակայն, ոչ ոք չհետաքրքրվեց։ Երկ-
րորդ հայտնագործությունը սակարանում բաժնետոմսե-
րի տատանվող կուրսը հեռավորության վրա հաղորդե-
լու հեռագրական ապարատն էր՝ հեռագրական ինքնա-
պատասխանիչը։

1869թ. իր հայտնագործած հեռագրության համար
ստացած դրամական խոշոր պարգևով Էդիսոնը հետա-
զոտական լաբորատորիա հիմնեց, իր իսկ խոսքով՝ «գյու-
տերի ֆաբրիկա»։

ՀԱՄԱԿԱՐԱՆՔԻՑ՝ ՀԱԿԱԿԱՆՔ ԵՎ ՀԱԿԱՌԱԿԸ

Ո՞ՒՄ ԵՆՔ ՄԵՆՔ ՀԱՐԳՈՒՄ
ՈՒ ՍԻՐՈՒՄ

Փոխադարձ համակրանքի կամ
սիրո առաջացման գործում պետք
է հաշվի առնել հետեւյալը. մենք
սիրում, համակրում, հարգում ենք
նրանց, ովքեր սիրում, համակրում,
հարգում են մեզ։ Ովքեր մեզ չեն
սիրում, մեզանում իրենց նկատ-
մամբ չեն կարող սեր առաջաց-
նել։ Ընդ որում, այս միտումն առա-
ջանում է կյանքի այն փու-
լում, երբ մենք սիրված լի-
նելու պահանջ ենք զգում։ Այդ
պահանջնում ռիթմի ուժգ-
նության պայմաններում, ու-
րիշի կողմից տրվող բացա-
սական վերաբերմունքը առաջ
է բերում զայրույթ եւ ատե-
լություն։ Եթե որեւէ մեկը սի-
րում է մեզ, ապա մեր մեջ
նրան սիրելու հակում է առա-
ջանում։ Տղամարդիկ հա-
մակրանք են զգում այն կա-
նանց նկատմամբ, ովքեր ուշադ-
րություն են դրսեւորում իրենց
նկատմամբ, ուղիղ նայում են աչ-
քերի մեջ, հակված են զրուցելու,
խոսում են ու ժպտում, խոսելիս
մի փոքր առաջ են թեքվում՝ ստեղ-
ծելով մտերիմ իրադրություն։ Նման
կանայք տղամարդկանց համար
գրավիչ են դառնում նույնիսկ, երբ
նրա հետ տարբեր հայացքներ ու-
նեն մեկ հարցի շուրջ։ Սակայն
կան մարդիկ, ովքեր գիտեն այդ
մեխանիզմի ուժը եւ խորամանկո-
րեն օգտագործում են այն ուրիշ-
ներին մոլորեցնելու համար։ Այս
խորամանկությունը դժվար չէ մեր-
կացնել, քանի որ նման անձինք
սկսում են մեզ գովել առանց իրա-
պես ծանաչելու։ Ցավոք, ոմանք
մեծ նշանակություն են տալիս ու-
րիշների կարծիքներին եւ շատ
շուտ են ընկնում թակարդը։

Այսպիսով, փոխադարձությու-
նը դառնում է զույգի ընտրության
եւ հարաբերությունների սկսելու կա-
րեւոր նախապայման, իսկ ինչ վե-
րաբերում է ոչ փոխադարձ սիրուն
եւ համակրանքին, ապա, որքան էլ
այն ուժգին լինի, ժամանակի ըն-
թացքում մարում է։

Տարածական մերձավորություն.

Մարդկանց միջեւ փոխադարձ
գրավչություն ծնող գործոններից
է նաեւ տարածական մերձավորու-
թյունը։ Ավելի հաճախ միմյանց հա-
մակրում ու ծանոթանում են այն
անձինք, ովքեր հաճախակի են

տեսնում իրար եւ հաղորդակցվում։
Դա մերձավորության է ֆեկտն է։
Մարդկանց միջեւ բարեկամությունն
ու սերը հաճախ հենց այդ հաճա-
խակի շփումներից է ծնվում։ Ավե-
լի հաճախ ընկերներ են դառնում
այն աշակերտները կամ ուսանող-
ները, ովքեր իրար կողքի են նս-
տում։ Որքան ավելի հաճախ ենք
տեսնում նույն մարդկանց, այնքան
ավելի մեծ է լինում նրա հետ բա-



րեկամանալու հավանականությու-
նը։ Օտարներն ու անծանոթներն
ընկալվում են զգուշավորությամբ։

ԻՆՔՆԱՃԱՆԱՉՈՒՄ

Հավանաբար, ոչ մի այլ գործոն
այդքան ուժեղ չի ազդում ընդհա-
նուր առողջության վրա, ինչպես
ինքնաճանաչումը։ Երբ մարդու
ինքնաճանաչումը դրական է, ապա
նա առավելագույնս հաճույք է ստա-
նում կյանքից՝ հոգեպես, ֆիզիկա-
պես, բարոյապես, զգացմունքայ-
նորեն եւ սոցիալապես։ Արդյոք եր-
ջանի՞լ եք զգում ձեզ եւ հեշտու-
թյամբ եք շփվում այլ մարդկանց
հետ։ Ի վիճակի՞ եք շուտ սթափ-
վել կորստից հետո։ Արդյոք հպա՞րտ
եք ձեր արտաքինին։

Լավ ինքնագնահատական ու-
նենալը կարեւոր նպատակ է, որին
պետք է հասնել։ Այս նպատակին
հասնելու տարբեր ճանապարհ-
ներ կան։

Ահա դրանցից երեքը.

1.Կենտրոնացեք ձեր հաջողու-
թյունների վրա։ Շնորհավորեք ինք-
ներդ ձեզ, երբ հաջողություն եք ու-
նենում, աշխատեք մեծացնել ապա-
գայում հաջողությունների հասնե-
լու հնարավորությունները։ Հիշեք՝
հաջողությունը վստահություն է եւ-
թադրում, իսկ վստահությունը լավ
ինքնագնահատականի հիմքն է։

2.Ուշադիր եղեք սեփական ան-
ձի հասցեին ձեր դիտողություննե-
րում։ Բացասական դիտողությու-
նը

ները երբեմն ուղղվում են մեր հաս-
ցեին ոչ միայն այլոց, այլ մեր կող-
մից։ Երբ զգում եք, որ ինքներդ ձեռ
մասին բացասական կարծիք եք
արտահայտում, փորձեք նույնն
ասելու ավելի դրական ձեւ գտնել։
Մի՛ ասեք ինքներդ ձեզ, որ բթա-
միտ եք, որովհետեւ շատ ժամա-
նակ եք ծախսում տնային աշխա-
տանքը կատարելու վրա։ Փոխա-
րենը, ասացեք, որ զգույշ եք եւ աշ-
խատում եք մանրակրկիտ։

3.Դիմեք մտերիմ մարդ-
կանց, երբ օգնության կա-
րիք ունեք։ Բոլորս էլ ժամա-
նակ առ ժամանակ օգնու-
թյան կարիք ենք զգում։ Մար-
դիկ, որոնք ձեզ սիրում են
ու անտարբեր չեն ձեր նկատ-
մամբ, կօգնեն եւ անհրա-
ժեշտ աջակցություն կցու-
ցաբերեն, որը կամրապնդի
ու ոչ թե կթուլացնի ձեր ինք-
նաճանաչումը։

Երբ դուք լավ ինքնագնահա-
տական ունեք, դուք ձեզ ուժ ու վս-
տահություն եք փոխանցում կյան-
քը շարունակելու եւ դժվարությու-
նները հաղթահարելու համար։

ԱՆՀԱՏԱԿԱՆՈՒԹՅՈՒՆ

Անհատականությունը ձեւավոր-
վում է մի շարք գործոններով, որոն-
ցից երեքը ամենակարեւորներն են
ժառանգականություն, միջավայր,
վարք։

Հոգեկանի ճանաչման ամենա-
հաճախ բնութագրվող դրսեւորու-
մը մարդու վարքն է կամ կյանքի
բազմաթիվ իրավիճակներում մար-
դու դրսեւորած վարվելակերպը։
Վարքը անհատականության այն
գործոնն է, որը կարելի է առավե-
լագույնս ղեկավարել։ Այն հիմն-
ված է կյանքի ընթացքում ձեւա-
վորված արժեքների համակարգի
վրա։ Արժեքների մեծ մասը ձեւա-
վորվում է ընտանիքի, մասամբ էլ՝
ընկերների շրջապատում։ Իրենց
հերթին, արժեքներն էլ արտացոլ-
վում են վարքի մեջ։ Եթե արժեւոր-
վում է առողջությունը, ապա նրա
ամրապնդմանն ուղղված ուժ է
ներդրվում։

Ժառանգականությունը, միջա-
վայրը եւ վարքը միանալով ստեղ-
ծում են մարդու անհատականու-
թյունը։ Որոշ չափով այդ երեք գոր-
ծոնները ողջ կյանքի ընթացքում
շարունակում են ձեւավորել մար-
դու անհատականությունը։

(Շարունակելի)

ԹԵՎԱՎՈՐ ՄՏՔԵՐ

Մարդ տարին մեկ է ծնունդը
նշում, բայց պետք է նշի ամեն
առավոտ։

ԱՐԱՍԱՅԻՍ ՍԱԴԱՅԱՆ
(1920-2013)

Հայ բանաստեղծ

Օ՛հ, ժամանակներ, որ անուշ
եկան ու երազի պես գնացին, հան-
գան, իսկ ես նույնն եմ միշտ։

Ա.ՃԱԿՆԱՎԱՅԵ
(1786-1846)

Վրաց բանաստեղծ

Բառերը պատկանում են դա-
րին, իսկ մտքերը՝ դարերին։

Ն.ԿԱՐԱՍՉԻՆ
(1766-1826)

Ռուս գրող

Ամենադճնկրատական ուս-
մունքներից առաջինն այն է, որ բո-
լոր մարդիկ հետաքրքիր են։

Չ.ՉԵՍՏԵՐՏՈՆ

(1874-1936)

Անգլիացի գրող

Մարդու մասին չի կարելի
դատել առաջին հայացքից.
արժանիքները սովորաբար
պատված են համեստությամբ
քողով, թերությունները քո-
ղարկված են կեղծավորության
դիմակով։

Ժ.ԼԱՐՐՅՈՒԵՐ
(1645-1696)

Ֆրանսիացի հայտնի բարոյախոս

Մարդիկ երբեք չեն լինում ո՛չ
չափազանց լավ, ո՛չ չափազանց
վատ։

Ֆ.ԼԱՄՈՇՆՈՒԿՈ
(1613-1680)

Ֆրանսիացի քաղաքական գործիչ

Մարդու առաքինության մասին
պետք է դատել ոչ թե ըստ նրա
պոռթկումների, այլ ըստ ամենօր-

յա գործերի։

Բ.ՊԱՍԿԱԼ
(1623-1662)

Ֆրանսիացի
մաթեմատիկոս

Մարդուն ճա-
նաչելու համար
պետք է նրան սի-
րել։



Լ.ՖՈՅԵՐԱՍԽ
(1804-1872)

Գերմանացի փիլիսոփա

Արատավոր մարդը հիվանդ
հասարակության հիմնական շար-
ժիչ ուժն է եւ խոշոր իրադարձու-
թյունների ժամանակ ռեակցիոն
հետադիմական ուժերի հուսալի
հենարանը։

ԼՈՐԱՆԴ ԵՋՈՅԱՆ

«Վրաստանի» ընթերցող
Ախալքալաքի, Գ. Դիլիսկա

ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՄՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ՆԻԿՈԼ ՓԱՇԻՆՅԱՆԸ ՀԱՆԴԻՊԵՑ ԱՄԵՆԱՅՆ ՀԱՅՈՑ ԿԱԹՈՂԻԿՈՍ ԳԱՐԵԳԻՆ ԵՐԿՐՈՐԴԻ ՀԵՏ

(Ակիզբը՝ 1-ին էջում)

Շնորհակալություն հայտնելով Վեհափառ Հայրապետին բարեմաղթանքների համար՝ Նիկոլ Փաշինյանը նշել է, որ սա առաջին հանդիպումը չէ, նախկինում էլ բազմիցս հանդիպել են Ամենայն Հայոց կաթողիկոսի հետ եւ քննարկումներ ունեցել, այդ թվում՝ նաեւ ապրիլ-մայիս ամիսներին:

Անդրադառնալով դեկտեմբերի 9-ին կայանալիք արտահերթ խորհրդարանական ընտրություններին՝ Ն.Ս.Օ.Տ.Տ. Գարեգին Բ Շայրագույն Պատրիարք եւ Ամենայն Հայոց կաթողիկոսը նշեց, որ առկա է որոշակի վստահություն եւ լավատեսություն, որ ընտրությունները կանցնեն խաղաղ, համգիստ, համերաշխ մթնոլորտում, քանի որ այդպիսի ընթացք ունեցան ե՛լ քաղաքապետի, ե՛լ տեղա-

կան ինքնակառավարման մարմինների ընտրությունները:

- Մեր մաղթանքն է եւ մեր աղոթքը, որպեսզի ընտրությունները տեղի ունենան այդպիսի ընթացքով ու նպաստեն ազգային միասնության զորացմանը, մեր ժողովրդի համախումբ ջանքերով մեր երկրի առջեւ ծառացած խնդիրների, մարտահրավերների լուծմանը, - ասել է Ամենայն Հայոց կաթողիկոսը:

ԿԱՌԱՎԱՐՈՒԹՅԱՆ ՆԻՍՏԵՐԸ ԿԱՆՑԿԱՑՎԵՆ ԴՈՆԲԱՑ



«Կառավարության կառուցվածքի եւ գործունեության մասին» Հայաստանի Հանրապետության օրենքում փոփոխություններ եւ լրացումներ կատարելու նախագիծը արժանացավ գործադրի հավանությանը:

Արդարադատության նախարար Սեդրակ Պետրոսյանը նշեց, որ նախագծի ընդունման պարագայում՝ կառավարության միստերն այսուհետ՝ որպես կանոն, կանցկացվեն դռնբաց, իսկ կառավարության եւ վարչապետի որոշումների հավելվածները ստորագրելու իրավագործությամբ կօժտվի վարչապետի աշխատակազմի ղեկավարը, ով, իր հերթին, էապես կբարելավի կառավարության եւ վարչապետի որոշումների ընդունմանը հաջորդող գործընթացների հնարավորինս արագ եւ արդյունավետ կազմակերպումը:

- Այսինքն, սրանով մենք լուծում ենք ժամանակին աղմուկ հարուցած հարցը: Հիշում եք, որ հիմա օրենքով նախատեսված է, որ սովորաբար կառավարության միստերը լինում են դռնփակ: Ուստի, դռնբաց միստերը հատուկ որոշում են պահանջում. հիմա մենք հակառակն ենք անում, հիմա մենք միստերը անում ենք դռնբաց: Բնականաբար, կլինի նաեւ դռնփակ միստերի անհրաժեշտություն, եւ այդ պարագայում կկայացնենք որոշում դռնփակ անցկացնելու վերաբերյալ, - իր հերթին նշեց Հայաստանի վարչապետի պաշտոնակատար Նիկոլ Փաշինյանը:

Սահմանադրության փոփոխություններով նախատեսվում էր, որ կառավարության միստերն անցկացվելու են դռնփակ ռեժիմով: Թեեւ Սերժ Սարգսյանի՝ վարչապետի պաշտոնից հրաժարական տալուց հետո, վարչապետի պաշտոնակատար Նիկոլ Փաշինյանի որոշմամբ, կառավարության միստերն անցկացվում են դռնբաց:

ՈՍՏԻԿԱՆՈՒԹՅՈՒՆՈՒՄ ԿԱՏԵՂԾՎԻ ՆՈՐ ՊԱՐԵԿԱՅԻՆ ՇԱՐԺԱԿԱՆ ԾԱՌԱՅՈՒԹՅՈՒՆ

Հայաստանի ոստիկանությունում 2019 թվականին պարեկային շարժական նոր ծառայություն կստեղծվի:

Այս մասին նոյեմբերի 6-ին Հայաստանի Ազգային ժողովի պաշտպանության եւ անվտանգության հարցերի, ֆինանսավարկային եւ բյուջետային հարցերի նշտական հանձնաժողովների համատեղ միստում հայտնեց Հայաստանի ոստիկանապետ Վալերի Օսիպյանը:

- Ներկայումս ոստիկանության գործող

պարեկային ստորաբաժանումները ներգրավվում են բացառապես հասարակական կարգի պահպանման խնդիրների իրականացմանը եւ օժանդակում հանցավորությանը հակազդելու քրեական հետախուզության ստորաբաժանումների գործունեությանը: Պարեկային նոր ծառայության նպատակն է քաղաքացիներին աջակցություն ցու-

ցաբերելը՝ նրանց կողմից սեփական իրավունքներն ու օրինական շահերը պաշտպանելիս, օգնություն ցույց տալ անօգնական կամ կյանքի համար վտանգավոր այլ իրավիճակներում հայտնված քաղաքացիներին, երթեւեկության կազմակերպումը խցանումների զանգվածային միջոցառումների, դժբախտ պատահարների, այդ թվում՝ տեխնածին աղետների ու արտակարգ այլ իրավիճակների ժամանակ, - ասել է Վալերի Օսիպյանը:

ԹՎԱՅԻՆ ԳՈՐԾԻՔՆԵՐ՝ ԿՐԹՈՒԹՅԱՆ ՈՐԱԿԻ ԲԱՐԵԼԱՎՄԱՆ ՆՊԱՏԱԿՈՎ

Հայաստանի դպրոցներում ներդրվելու է Աշխարհատեղեկատվական համակարգի (ԱՏՀ) ուսուցումը, որը կսովորեցնի աշակերտներին օգտագործել, ստեղծել եւ տարածել քարտեզներ, հավաքել եւ ներմուծել տվյալներ, կատարել տարբեր վերլուծություններ եւ աշխատել մեծածավալ տվյալների հետ:

Հայաստանի կրթության եւ գիտության նախարարությունը, «KARDES» (Քարտեզ) կազմակերպությունը, ՀԲԸՄ Հայաստանը եւ ՀԲԸՄ հայկական վիրտուալ համալսարանը (ՀՎՀ) համագործակցում են Հայաստանի դպրոցներում ԱՏՀ-ն որպես կրթական առցանց տեխնոլոգիաների վրա հիմնված նոր ուսումնական մեթոդ ներկայացնելու նպատակի շուրջ:

ԱՏՀ-ի կիրառումը կնպաստի Հայաստանում STEM/ԳՏԾՄ (Գիտություն, տեխնոլոգիա, ճարտարագիտություն եւ մաթեմատիկա) դասավանդման զարգացմանը: Արդյունքում, աշակերտները կզարգացնեն իրենց քննադատական եւ տարա-

ծ ա կ ա ն մտածողությունը:

Նոյեմբերի 14-ին հայաստանյան դպրոցների ուսուցիչների համար կազմակերպվել էր առաջին սեմինար-դասընթացը: Անցկացված սեմինարին մասնացեցին շուրջ 100 ուսուցիչներ, ովքեր ծանոթացան ԱՏՀ-ին եւ այն՝ որպես ուսումնական գործիք, կիրառելու կարելիությանը:



ՎՃՌԱԲԵԿ ԴԱՏԱՐԱՆԸ ԲԵԿԱՆԵՑ ՌՈԲԵՐՏ ՔՈՉԱՐՅԱՆԻ ԿԱԼԱՆԱՎՈՐՈՒՄԸ ՎԵՐԱՑՆԵԼՈՒ ՈՐՈՇՈՒՄԸ

Նոյեմբերի 15-ին Հայաստանի Վճռաբեկ դատարանը բեկանեց Հայաստանի երկրորդ նախագահ Ռոբերտ Քոչարյանի նկատմամբ խափանման միջոց կալանավորումը վերացնելու վերաբերյալ Վճռաբեկի դատարանի որոշումը եւ գործն ուղարկեց նույն դատարան՝ նոր քննության:

Վճռաբեկ դատարանը, քննելով Հայաստանի Վերաքննիչ դատարանի կայացրած որոշման դեմ Հայաստանի գլխավոր դատախազի եւ Ռոբերտ Քոչարյանի պաշտպանների ներկայացրած բողոքները, որոշում է կայացրել գլխավոր դատախազի դիմումը բավարարել մաս-

նակիրեն, իսկ Ռոբերտ Քոչարյանի պաշտպանների վճռաբեկ բողոքը մերժել:

Որոշումն օրինական ուժի մեջ է մտնում դատական միստում դրա հրապարակման պահից, վերջնական է եւ ենթակա չէ բողոքարկման:

ՀՀ գլխավոր դատախազը վճռաբեկ

բողոք էր ներկայացրել Վերաքննիչ դատարանի որոշումը բեկանելու, ինչպես նաեւ Ռոբերտ Քոչարյանի նկատմամբ՝ որպես փախստման միջոց, կալանավորումը կիրառելու մասին Առաջին ատյանի դատարանի որոշումը վերականգնելու վերաբերյալ, սակայն Վճռաբեկ դատարանը որոշում կայացրեց գլխավոր դատախազի բողոքը բավարարել մասնակիրեն՝ բեկանելով Վերաքննիչ դատարանի որոշումն ու գործն ուղարկելով նոր քննության:

ՆԻԿՈԼ ՓԱՇԻՆՅԱՆԸ ՄԱՍՆԱԿՑԵՑ ԱՐԱՋԻՆ ԱՇԽԱՐՀԱՄԱՐՔԻ ԱՎԱՐՔԻ 100-ԱՄՅԱ ՀՈՐԵՂԱՆԻՆ



Նոյեմբերի 11-ին Հայաստանի վարչապետի պաշտոնակատար Նիկոլ Փաշինյանը, տիկնոջ՝ Աննա Հակոբյանի հետ, Փարիզում մասնակցեց Առաջին աշխարհամարտի ավարտի 100-ամյա հորեղյանին նվիրված միջոցառմանը: Ելիսեյան պալատում վարչապետի պաշտոնակատարին եւ նրա տիկնոջը դիմավորեցին Ֆրանսիայի նախագահ Էմանուել Մակրոնը եւ տիկին Բրիժիտ Մակրոնը: Ապա Նիկոլ Փաշինյանը հորեղյանական միջոցառումներին մասնակցող պետությունների, կառավարությունների եւ միջազգային կազմակերպությունների հետ միասին, եղավ Փարիզի Շառլ դը Գոլի հրապարակում, որտեղ էլ անցկացվեց հորեղյանական հանդիսությունը: Հորեղյանական միջոցառումների շրջանակներում, Հայաստանի վարչապետի պաշտոնակատար Նիկոլ Փաշինյանը մասնակցեց «Փարիզի խաղաղության համաժողովի» աշխատանքներին:

ԳՅՈՒՐԱՅՈՒՄ Է ՀԱՅԱՍՏԱՆԻ ԵՎ ՂԱՆՔԱՅԻ ՄԻՋԵՎ ՎԵՐԱՆԵՐԻ ՏՐԱՄԱԳՐՈՒՄԸ

Հայաստանի եւ Դանիայի Թագավորության միջեւ վիզաների տրամադրման գործընթացը կդադարանա: Հայաստանի կառավարության նոյեմբերի 15-ի նիստի օրակարգում ընդգրկված էր այդ մասին ստորագրված համաձայնագիրը վավերացնելու մասին նախագիծ:

Համաձայնագրի նպատակն է դյուրացնել վիզաների տրամադրումը Հայաստանի քաղաքացիներին, 180 օրվա յուրաքանչյուր ժամանակահատվածի ընթացքում 90 օրից ոչ ավելի ժամանակահատվածով, որոշակի նպատակով, Դանիայի Թագավորությունում եւ Շենգենյան գոտու այլ անդամ պետություններում գտնվելու համար: Եթե Հայաստանը վերականգնի վիզայի պահանջները եւս քաղաքացիների կամ նրանց որոշ կապերի համար, ապա այն նույն դյուրացումները, որոնք սույն Համաձայնագրով շնորհվել են Հայաստանի քաղաքացիներին, ինքնաբերաբար, փոխադարձության սկզբունքով, կկիրառվեն Դանիայի Թագավորության համապատասխան քաղաքացիների նկատմամբ:

ՀԱՄԱՆԵՐՄԱՐ ԱՅՍ Է ԱՐԱՎՈՐԵԼ 484 ՂԱՍՏՊԱՐՅԱՆ

2018 թվականի նոյեմբերի 6-ից ուժի մեջ մտած «Էրեբունի-Երեւանի հիմնադրման 2800-ամյակի եւ Հայաստանի Առաջին Հանրապետության անկախության հռչակման 100-ամյակի կապակցությամբ, քրեական գործերով համաձայնում հայտարարելու մասին» Հայաստանի օրենքի շրջանակներում, նոյեմբերի 15-ի դրությամբ, ազադ է արչակվել 484 դատապարտյալ:

ՏՍՈՒ ԱՄՈՒՄ ՀԱՅԱՍՏԱՆԻ ԵՆԵՐՎՈՐԵԼ 45 ՀԱՍԱՐ ԱՎՏՈՄԵԲԵՆԱ
Հայաստանի Պետական եկամուտների կոմիտեի տվյալներով, ընթացիկ տարվա տասը ամսվա ընթացքում Հայաստան է ներկրվել շուրջ 45 հազար ավտոմեքենա՝ նախորդ ողջ տարվա 27 հազարի համեմատ:

ԸՆՈՐՅԱՆԴԵՍ

ԼԻԱՆԱ ՇԱՀՎԵՐԴՅԱՆԻ «ՀԱՆԴՈՒԹՅԱՆ ՉԱՐՈՒՆ»-Ը ԹԲԻԼԻՍԻՈՒՄ

Թբիլիսիի Կոմկասյան տանը անցկացվեց Լիանա Շահվերդյանի «Հանդուության զարուհ» գրքի շնորհանդեսը: Դա թբիլիսցիների հետ երեսանցի ստեղծագործողի երկրորդ հանդիպումն էր: Լիանա Շահվերդյանի «Բազմակետ» գրքի շնորհանդեսն անցկացվել էր 2015 թվականին, Վրաստանի Գրողների տանը:

Լիանա Շահվերդյանը ծնվել է Թբիլիսիում, ավարտել Թբիլիսիի պետական համալսարանի մեխանիկա-մաթեմատիկական ֆակուլտետը, դասավանդել Մոսկվայում, Թբիլիսիում: Նա մի շարք հրապարակումների հեղինակ է, որոնք լույս են տեսել առանձին ամսագրերում եւ ստեղծագործական ալմանախներում: Լիանա Շահվերդյանը եղել է մի շարք միջազգային մրցույթների եւ միջազգային գրական փառատոների ժյուրիի անդամ: Նրա ստեղծագործությունները թարգմանվել են հայերեն, վրացերեն, բուլղարերեն, անգլերեն եւ այլ լեզուներով:

«Հանդուության զարուհ» հեղինակային հրատարակության գիրք է, որտեղ Լիանա Շահվերդյանը հանդես է գալիս որպես նկարիչ, դիզայներ եւ խմբագիր: Նրա պարզաբանմամբ, գրքի անվանումը միանգամից չծնվեց, եւ այն իրենից ներկայացնում է բովանդակության անկյունաքարը:

- Գրքի անվանումը փոխանցում է ոչ միայն հուսահատություն, այլեւ կյանքի համընդգրկում ուժ, ոգի: Նրա գարունը թափանցում է ստեղծագործության հերոսների հոգու ամենամվիրական անկյունները, ստեղծում արարման, աշխարհայացքի շարժառիթ,- նշում է հեղինակը:

Շնորհանդեսին ելույթ ունեցան Վրաստանի ռուսալեզու ստեղծագործողների պուշկինյան «Արիոն» ընկերության նախագահ, «Վրաստանի բլուրների վրա» գրական ալմանախի խմբագիր Միքայել Այդինովը, «Վրաստան» թերթի խմբագիր Վան Բայբուրդյանը, Թբիլիսիի Պ.Ադամյանի անվան թատրոնի դերասան, Վրաստանի եւ Հայաստանի վաստակավոր արտիստ Ռոբերտ Դով-հաննիսյանը, բանաստեղծուհի Մարինա Կիրակոսյան-Մոսետովան, «Վերնատուն» միության վարչության անդամ Ռոզա Ջոհրաբյանը:

Գրական երեկոն իր երաժշտական կատարողությամբ զարդարեց Աննա Գրիգալաշվիլին:

ԳԻՐԳԻ ԳՎԵՆՑԱԶԵ

ՍԱՐԱՑԵԼ Ե ԽԱԶԱՏՈՒՐ ՎԱՐԴԱՆՅԱՆՑԸ

81 տարեկանում երկրային կյանքին հրաժեշտ տվեց Վրաստանի հեռուստատեսության Առաջին ալիքի լրագրող, լուսանկարիչ-արվեստագետ, Վրաստանի երկարակյացների «Սավանն» ասոցիացիայի նախագահ, սպորտի վարպետ, անվեհեր ու սրտաբաց մարդ Խաչատուր Վարդանյանը:

Խաչատուրը բնիկ թբիլիսցի էր: Նա ավարտել է Թբիլիսիի ֆիզկուլտուրայի պետական ինստիտուտի ժուռնալիստիկայի ֆակուլտետը: Որպես թղթակից՝ աշխատել է տեղի «Ջարյա Վոստոկա» թերթում, եղել է ԴՕ-ՍԱԱՀ-ի մամուլ կենտրոնի վարիչը: Որպես հեռուստալրագրող՝ երկու անգամ եղել

է Չեռնոբիլում ատոմային էլեկտրակայանի վթարի մասին տեսագրություն պատրաստելու համար: Նրա «Պարաշյուտիստները» հեռուստաֆիլմը վաստակել է բազմաթիվ մրցանակներ: Այդ տեսագրությունը պատրաստելիս՝ Խաչատուրին վիճակվեց անձամբ պարաշյուտով 147 թռիչք կատարել: Նա հեղինակել է հարցազրույցներ արվեստի գործիչների եւ տարբեր ոլորտների նշանավոր մարդկանց հետ, այդ շարքում՝ Ա.Խաչատրյանի, Ա.Բաբաջանյա-



նի, Վ.Վիտցկու, Կ.Սիմոնովի, Ա.Գելովա, Մ.Մկրտչյանի, Յ.Գազարինի եւ այլոց հետ: 1997թ.Խաչատուր Վար-

դանյանը հիմնեց Վրաստանի երկարակյացների «Սավանն» ասոցիացիան եւ մինչեւ իր մահը մնաց նրա հիմնադիր նախագահը:

Հեռուստալրագրողի 75-ամյակի կապակցությամբ, Վրաստանի գրողների եւ ժուռնալիստների միությունը նրան պարգևատրեց «Ակակի Ծերեթելու անվան մրցանակով», իսկ հայրենասիրական գործունեու-

թյան համար՝ նա արժանացավ Վենետիկ քաղաքի ոսկե մեդալի:

Խաչատուր Վարդանյանցը «Վրաստան» թերթի բարեկամն էր ու նրա մշտական հյուրը, խորապես կապված էր Վրաստանի հայ համայնքի հետ եւ համայնքի մեծ ու փոքր միջոցառումների մշտական մասնակիցն էր:

«Վրաստան» թերթի խմբագրությունը խոր վշտով ընկալեց հեռուստալրագրող, լուսանկարիչ-արվեստագետ, Վրաստանի երկարակյացների «Սավանն» ասոցիացիայի նախագահ Խաչատուր Վարդանյանի մահը եւ ցավակցում է հանգուցյալի հարազատներին ու մերձավորներին:

ՏՐԱՆՍՊՈՐՏ

ՍԱՐՄԱՆԱՓԱԿՈՒՄՆԵՐ՝ ՎՐԱՍՏԱՆԻ ՃԱՆԱՊԱՐՅՆԵՐԻՆ



Նախարարությունը, ձյան եւ մերկասառույցի պատճառով Ստեփանծմինդա-Լարս ավտոճանապարհը փակ է բոլոր տեսակի ավտոմեքենաների համար:

Երթևեկությունը սահմանափակումներով է նաեւ Կոդա-Ծալկա-Նինոծմինդա ճանապարհին՝ Փարվանայի ոլորաններում. արգելված է կցորդով եւ կիսակցորդով մեքենաների երթևեկությունը: Սահմանափակումներ են գործում նաեւ Նինոծմինդա-Ախալքալաքի-Ախալցխե ավտոճանապարհին:



Նինոծմինդայի մունիցիպալիտետի Գործադիր ժողովի թիվ 2 համայնքի դպրոցի աշխատակազմը խորապես վշտացած է գործընկերոջ՝


Մելիք ՉԱՓԱՆՅԱՆԻ

անժամանակ մահվան առթիվ եւ ցավակցում է նրա տիկնոջը՝ Արմինե Հայրապետյան-Չափանյանին:

Մառնեուլիի մունիցիպալիտետի Չանախչի գյուղի համայնքի դպրոցի մանկավարժական կոլեկտիվը խորապես վշտացած է դպրոցի վաստակաշատ մանկավարժ

Մելիք ԲԱՂԱՆՅԱՆԻ

մահվան կապակցությամբ եւ իր ցավակցությունն է հայտնում հանգուցյալի ընտանիքին ու հարազատներին:



«Վրաստան» թերթի խմբագրակազմը ցավակցում է «Գյուրջիստան» թերթի աշխատակիցներին, պարբերականի խմբագրի տեղակալ

Էլմար Հուսեյնի ԿԱԼԱՆՎԻ

մահվան կապակցությամբ եւ զորակցում հանգուցյալի հարազատներին:

1		2		3		4		5		6		7		8
								9						
10				11								12		
								13						
			14		15									
	16				17		18				19		20	
													21	
22						23		24						
					25									
26				27		28					29	30		
			31								32			
						33					34			35
36		37	38						39		40			
		41				42	43		44					
45					46		47							
				48								49		
							50						51	
52														

Խ Ա Չ Բ Ա Ռ

ՀՈՐԻԶՈՆԱԿԱՆ. 1.Հայ մեծ նկարիչ, «Նախաշավիղ» նկարի հեղինակը: 6.Գյուլմրիում ծնված անվանի աշուղ-գուսան: 9.Աշուղ Ջիվանու երգերից: 10.Երաժշտության տեսակ: 11.«Սոկազ Միդգա» պոեմի հեղինակը: 12.«Ես իմ անուշ Հայաստանի արեւահամ ... եմ սիրում» (Ե.Չարենց): 13.Ընտանի կենդանի: 14.Ա.Չեխովի երկերից՝ «...ենու այգին»: 16.Վրաստանի արդարադատության նախարար ... Ծուլուկիանի: 17.Քաղաք Հայաստանում: 21.Ժխտական նախածանց: 22.Անծայր, անեզր: 24.Լիճ Ամերիկայում, որի անունը թարգմանաբար նշանակում է «վարածի գլուխ»: 25.Պարսկահայ հայտնի երաժիշտ, երգիչ ... Սիմոնյան: 26.«Երբ ամեն մի թփի տակ թե՛ սեղան կար, թե՛ ...» («Ճպուռն ու մրջյունը»): 28.Մակերեսի չափման միավոր: 29.Ճահճում աճող բույս, շամբ: 31.Հայաստանում երաժշտական հայտնի խումբ: 32.Խաղողի «ծառը»: 33.Փոքրացուցիչ մասնիկ: 34.Հայտնի դերասանուհի ... Ոսկանյան: 37.Սարոյի դերակատարը «Անուշ» օպերայում (անունը): 40.ՀՀԴ «Հայ դատի» գրասենյակի ղեկավար ... Մանուկյան: 41.Նարդու խորանարդիկները: 42.Արեւմտահայ գրող Սրբուհի ...: 45.Հայաստանի ԿԳ նախարար ... Հարու-

թյունյան: 48.Պատուհանի տակ երգվող երգ: 50.Սեղանի խաղ: 51.Չիու «ոտմաման»: 52.Թբիլիսիի ... Ջավախիշվիլիու անվան համալսարան:

ՈՒՂԱՆՅԱՆ. 1.Փշուկի նվագարան: 2.Ժամանակի միավոր: 3.Երիշտա, ոշտա: 4.Նյու ..., ... Թայմս: 5.«Սագով ու քամանջով, դափով ...» (Սայաթ-Նովա): 6.Լիճում է եւ այդպիսի ժպիտ: 7.Ուսուցչապետ, վարդապետ: 8.«Առաքյալը» վիպակի հեղինակը: 14.Դեղ, բուժման միջոց: 15.Երգչուհի ... Վայկուլե: 16.Շոթա Ռուսթավելու հերոսուհի: 18.Գյուղացիական շարժումով հայտնի գյուղ Արեւմտյան Հայաստանում: 19.Պարթեների խմբին պատկանող: 20.Հայկական ֆիլմ: 23.Վախկոտ, ոչ քաջ: 24.Ոչ մոտիկ: 27.Վանքային համալիր Հայաստանում: 30.Սերգեյ Փարաջանովի ֆիլմերից՝ «Աշուղ ...»: 35.Ահավոր, շատ սարսափելի: 36.Ե՛վ Շերենցը, ե՛ւ Գասպարյանը: 38.Չայնարկություն: 39.Վրացու անուն: 42.Անգետ, ոչ գիտակ: 43.Թբիլիսցի լրագրող ... Իսրայելյան: 44.Պետություն Աֆրիկայում: 46.Մեսրոպյան այբուբենի զինվոր: 49.Հարավային Ամերիկայի բնիկ ցեղ:

Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԴ ՀԱՄԱՐԻ ԽԱԶԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 7.Անարխիզմ: 8.Միսեմա: 9.Բես: 10.Գառնի: 13.Հաագա: 18.Լիճ: 19.Քանաքարա: 22.Բարաթ: 23.Կտավատ: 28.Նյասա: 29.Ուշուց: 32.Ուֆա: 33.Ուրար: 34.Զլուխ: 37.Դուռ: 39.Խաթա: 41.Չերծ: 44.Գոլֆ: 46.Ուրֆա: 47.Ծափ: 49.Վախ: 50.Խուրիլա: 52.Դիակ: 54.Գոմեշ: 55.Ցեցե: 56.Տո: 57.Մայքլ: 58.Մարց:

ՈՒՂԱՆՅԱՆ. 1.Ժայռ: 2.Ծխնի: 3.Սաբա: 4.ՀՍՍՀ: 5.Սելավ: 6.Գաճաճ: 11.Արաբ: 12.Նպար: 14.Ալթայ: 15.Գիլաս: 16.Բաթ: 17.ՄԱԿ: 20.Նամուր: 21.Քաղցր: 24.Տնագ: 25.Վաստ: 26.Տատի: 27.Սուրու: 30.Շուրա: 31.Նասա: 35.Լեզու: 36.Տորֆ: 37.Դոր: 38.Ռաֆայել: 40.Թափում: 42.Երեւի: 43.Ծածկոց: 44.Գրիշա: 45.Լվացք: 48.Ախոռ: 51.Բեն: 52.Դեն: 53.Ատր:

**Խմբագրի տեղակալ՝
ՅՈՒՐԻ ՊՈՂՈՍՅԱՆ**

**Մեր հասցեն՝ Թբիլիսի 0105
Գ.Աթոնելի փ. 5 Հեռ. 2990-739, 2990-774
www.vrastan.ge
E-mail: vrastan.press@gmail.com**

**Գրանցման վկայական
№ 4 4 - 1439
«ԿՈԼՈՐ» հրատարակչություն**

**“ВРАСТАН”
Тбилиси, Грузия
“VRASTAN”
Georgia, Tbilisi
Индекс 66445**